



Utval: Formannskap
Møtestad: Hamaren Næringshagen
Dato: 06.11.2019
Tid: 08:30

Forfall meldast til sentralbordet på tlf. 35 06 71 00.

Varamedlemmer møter bare etter nærmere varsel.

Saksliste

Utvals- saksnr	Innhald
PS 47/19	Referatsaker
RS 25/19	Orientering fra administrasjonen
RS 26/19	Økonomigjennomgang
PS 48/19	Forvaltnigsplan for statleg sikra område i Fyresdal
PS 49/19	Budsjett 2020 og økonomiplan 2021 – 2023(blir lagt fram i møtet)

Fyresdal 31.10.2019

Erik Skjervagen
ordførar

Kjersti Bergland
utvalssekretær

PS 47/19 Referatsaker

RS 25/19 Orientering frå administrasjonen

RS 26/19 Økonomigjennomgang



Saksframlegg

Forvaltnigsplan for statleg sikra område i Fyresdal

Utval	Utvalssak	Møtedato
Formannskap	48/19	06.11.2019

Endeleg vedtaksrett i saka har:

Dokument i saka:

Vedlegg:

1 Forvaltningsplan Kjeøyni 2020-2024

Bakgrunn for saka:

Klokkarhamaren (sikringsnr. FS00002339) og Prestestranda (sikringsnr. FS00001371) er statleg sikra friluftsområder i Fyresdal, og kan kun nyttast til friluftsføremål. Desse områda er heileigd av Fyresdal Kommune. Kjeøyni er i dag i privat eige, men ein har i dag avtale om kjøp av ein halvpart, medan den andre halvparten framleis er i forhandling om overtaking. Miljødirektoratet har gitt grønt lys for statleg sikring av Kjeøyni, og har i tillegg løyvd tilskot til erverv av øya. Det er viktig å merke seg at området kan statleg sikrast også om arealet er i privat eige.

Statleg sikra friluftsområde skal ha ein forvaltningsplan godkjend av kommune og fylkeskommune. Slike forvaltningsplanar har som viktigaste hensikt at kommunen skal vurdere behovet og kostnader ved en eventuell tilrettelegging av områda, slik at de kan nyttast i trå med føremålet med sikringa. Forvaltningsplanane gir også ein oversikt over behovet for tiltaksmidlar på landsbasis, og er grunnlag for fordeling av tiltaksmidlar til fylkeskommunane.

Når nye statlege friluftslivsområde sikrast, er eit av krava frå Miljødirektoratet at kommunen utarbeider en forvaltningsplan for området. For Kjeøyni må difor kommunen utarbeide ein forvaltningsplan som omfattar tiltak ein ynskjer gjennomført i perioden. Om kommunen søker om støtte til tilretteleggingstiltak frå tilskotsordninga "Tiltak i statlig sikrede friluftslivsområder" må forvaltningsplan for områda være godkjent.

Klokkarhamaren har ein forvaltningsplan gjeldande for 2014 – 2018, denne planen skal no reviderast. Etter anbefaling frå Miljødirektoratet er det no laga ein felles forvaltningsplan for dei tre friluftsområda i kommunen.

Vurdering:

Fyresdal Kommune, med Kommunestyret som prosjekteigar, vedtok i 2018 å vidareutvikle Hamaren Aktivitetspark i Klokkarhamaren med ei spektakulær utbygging på Kjeøyni utanfor Klokkarhamaren. For planane mottok kommunen 4. mill. i stønad frå Kulturdepartementet, for utvikling av ein «nyskapande aktivitetsarena» på Kjeøyni. Kjeøyni skal byggje vidare på suksessen «Hamaren Aktivitetspark», med eit låg-terskel tilbod for tilfeldig, uorganisert

aktivitet, tilrettelagt for alle. Parken skal framleis bere namnet «Hamaren Aktivitetspark».

For å utvikle Hamaren Aktivitetspark i tråd med ynskje som har kome fram i prosessen, er det naudsynt med betydeleg ekstern finansiering. Slik finansiering kan kome frå offentlege instansar, Norsk Tipping (spelemidlar), stiftelsar, m.m.m. For å få statleg stønad til tilrettelegging av statleg sikra friluftslivsområde, vart det frå 2013 sett krav om at det er utarbeida forvaltningsplan for friluftslivsområdet. Gjennom utarbeiding av forvaltningsplan blir behovet for tilrettelegging av området grundig vurdert, og slike planar gir ein samla oversikt over behovet for tilrettelegging i statlige friluftslivsområder.

Miljødirektoratet har utarbeida ein mal for forvaltningsplan for statleg sikra friluftslivsområder. Av malen kjem det fram kva for opplysningar forvaltningsplanen skal innehalde. Forvaltningsplanen for Klokkarhamaren, Prestestronda og Kjeøyni er laga etter denne malen, og inneheld dei opplysningane som er naudsynte i denne type plan. Fylkesmannen er statens representant og skal godkjenne den endelige forvaltningsplanen for området.

Planen inneheld dei tre forvaltningsområda;

FS00001371 Prestestranda (Bryggeparken)

Tinglyst som friluftsområde i 2000, med eit areal på 18,2 daa

Her er det ikkje planlagd investeringar i planperioden, men det er naudsynt med landskapspleie, rydding og ordinært vedlikehald.

FS00002339 Klokkarhamaren

Tinglyst som friluftsområde i 2006, men eit areal på 285 daa

Tiltak kjem fram av forvaltningsplanen, og er ei vidareføring av det positive ein har fått til med Hamaren Aktivitetspark. Her inngår ei omlegging av turvegen framføre Næringshagen, for å styre publikum bort frå gravfeltet, her har vi fått godkjent ei prosjektskisse av Riksantikvaren, og vil søkje dei om stønad til prosjektet. Vidare er det tenkt ei mindre oppgradering av vegen gjennom Sauekro, for å gjøre tilkomsten lettare for folk med nedsett rørsleevne. Toalett skal etablerast nedom noverande utekjøkken, og det er tenkt mindre justeringar av dagens innstallasjonar, møteplassar m.m.

FS xxx Kjeøyni

Kjeøyni er ikkje statleg sikra pr d.d., men kommunen har fått stønad frå Miljødirektoratet for gjennomføring av erverv og tinglysing.

Tiltaka kjem fram av forvaltningsplanen. Her er det storstilte planar, støtta mellom ana av Kulturdepartementet, som ser dette som svært verdifult folkehelsetiltak for kommunen og regionen.

Som ein ser av forvaltningsplanen er det lagt stor vekt på tilrettelegging for menneske med nedsett rørsleevne, universell utforming. Dette fokuset har vore avgjerande for den enorme suksessen Hamaren Aktivitetspark har blitt, og som og gav oss innovasjonsprisen for universell utforming, utgitt av DOGA og Kulturdepartementet. Dette ynskjer ein å vidareføre i vidare utbygging, også på Kjeøyni, og er eit av kriteria for finansiering av anlegget.

Det er sett opp grove budsjett for dei ulike områda i forvaltningsplanen. Det er viktig å merke at dette kun er ein plan, og ikkje eit forpliktande budsjett. Mange moment er usikre, og utbygginga på Kjeøyni er avhengig av betydeleg ekstern finansiering. Det er i hovudsak tiltak, byggverk og drift av forvaltningsområda planen skal innehalde, og planen vert dermed ei «øvre ramme» for kva som kan gjerast i områda.

Planen kan og innehalde ein plan for drift av områda, dette er imedan friviljug. Staten gir ikkje økonomisk stønad til drift og tilsyn av området, men det kan likevel være nyttig for kommunen og for fylke/stat å ha oversikt over områdets årlege driftsutgifter. Pr i dag er det årleg budsjettera med kr. 70.000,- i utgifter til vedlikehald, tilsyn og vidareutvikling av noverande park. Kjeøyni vil verte betydeleg meir komplisera, og krevje eit høgare vedlikehaldsbudsjett for å halde parken i god stand. I prosjektet og i forvaltningsplanen er det lagt inn eit ynskje om å bygge opp eit mindre fond for vedlikehald. Det er ynskjeleg at ein kan sete av kr 200.000,- årleg på slikt fond, med eit øvre tak på kr. 500.000,-. På denne måten vil ein ha midlar tilgjengeleg ved behov, og ein kan bruke av fondet ved større vedlikehald, som vedlikehaldsgrusing av vegar, beising og vedlikehald av bygningar m.m., utan at ein treng å bevilge friske midlar. Dette er imedan eiga budsjettsak.

Konklusjon:

Med bakgrunn i Miljødirektoratets krav frå 2013, om forvaltningsplan for statleg sikra friluftsområde, er det utarbeida ein forvaltningsplan for dei statleg sikra områda i Fyresdal. Forvaltningsplanen bygger vidare på forvaltningsplanen for Klokkarhamaren frå 2014-2018, og omfattar no alle dei tre statleg sikra friluftsområda i kommunen. Forvaltningsplanen er eit viktig dokument for å søkje eksterne midlar til finansiering av dei ulike tiltaka, då særleg midlar frå Miljødirektoratet/Fylkeskommunen.

Forvaltningsplanen inneholder tiltak som er aktuelle å gjennomføre i planperioden, og eit kostnadsestimat for dei ulike postane. Forvaltningsplanen er ikkje eit bindande dokument når det gjeld gjennomføring eller økonomiske forpliktingar, men heller eit styringsverktøy med ei øvre ramme på kva ein kan gjere i området. Ynskjer ein å gjere ytterlegare tiltak, eller gjere om på planlagde tiltak, må ein planen reviderast.

Innstilling frå rådmannen:

Forvaltningsplanen for statleg sikra områder i Fyresdal Kommune vedtakast slik den ligg føre. Oppfølging av planen skal skje gjennom prosjektet «Hamaren Aktivitetspark». Styringsgruppa for utbygginga på Kjeøyni vil ha overordna ansvar for utbygging på øya, medan drift av Klokkarhamaren og Prestegardstronda er underlagt administrasjonen i kommunen. Finansiering av alle tiltak i dei tre friluftsområda, der kommunal eigedel er påkrevd, vil skje med eigne politiske vedtak. Forvaltningsplanen oversendast Fylkeskommunen for endeleg godkjenning.

Une Marit Aarbakk Tangen	
Konstituert rådmann	Aslak Momrak-Haugan skogbruksjef

DEL 1:

Forvaltningsplan for statlig sikra friluftslivsområder Fyresdal for 2020-2024



Fakta om kommunen pr 01.11.2019

Antall innbyggere	Ant innbyggere per km2	Antall statlig sikra friluftslivsområder	Andre friluftslivsområder (antall)
1283 pr 02. kvartal 2019	1,02 innb. pr. km2	3	0

DEL 2:

Forvaltningsplan

Prestegardsstronda, Klokkarhamaren og Kjeøyni



Fyresdal Kommune kjøpte i 2004 Klokkarhamaren av Opplysningsvesenets fond. Klokkarhamaren vart statleg sikra som friluftsområde i 2006 for å ivaretake området for ålmenta. I 2017 vart Hamaren Aktivitetspark opna, og har blitt eit friluftsområde for bygda og folket, med universelt utforma turvegar, gillhytte, utekjøkken, gapahukar m.m.

Fyresdal Kommune jobbar no med erverv av Kjeøyni av private grunneigarar, der ein av dei to grunneigarane har akseptert tilbod frå Fyresdal kommune om kjøp av eigedomen. Også her er det eit mål om å sikre området for framtidig friluftsliv. For kjøp av området mottok Fyresdal Kommune tilskot frå Miljødirektoratet, jf. vedtaksbrev à 16.05.2019.

Friluftsområdet i Klokkarhamaren har ein forvaltningsplan gjeldande for perioden 2014 til 2018, og skal no reviderast. I samband med det nye friluftsområdet på Kjeøyni, er det etter samråd med Miljødirektoratet valgt å lage ein felles forvaltningsplan for både dei to friluftsområda.

Klokkarhamaren og Kjeøyni ligg tett opp mot skule, SFO, barnehage, idrettsanlegg, pleie – og omsorgsenter og kommuneadministrasjon, samt i umiddelbar nærleik til sentrumsnær busetnad.

Hamaren Aktivitetspark har fått enorm merksemrd, og er svært mykje besøkt gjennom store delar av året. Fyresdal Kommune har eit ynskje om å utvikle parken ytterlegare, og har motteke stønad frå Kulturdepartementet for å utikle Kjeøyni som «nyskapande aktivitetsarena».

1. Områdebeskrivelse/status

Gnr/ Bnr	FS-nummer naturbase.no	Sikrings form	Sikret år	Areal (da)	Grunneier	Forvaltning og drift	Nærområde?	
36/111	Klokkar- hamaren FS00002339	<input checked="" type="checkbox"/> Erverv <input type="checkbox"/> Avtale	2010	285	<input type="checkbox"/> Stat <input checked="" type="checkbox"/> Kommune/ friluftsråd <input type="checkbox"/> Privat	Fyresdal Kommune	<input checked="" type="checkbox"/> Ja <input type="checkbox"/> Nei	
36/92	Prestestranda FS00001371	<input checked="" type="checkbox"/> Erverv <input type="checkbox"/> Avtale	2000	24	<input type="checkbox"/> Stat <input checked="" type="checkbox"/> Kommune/ friluftsråd <input type="checkbox"/> Privat	Fyresdal Kommune	<input checked="" type="checkbox"/> Ja <input type="checkbox"/> Nei	
Del av 38/12 og Del av 38/19	Kjeøyni	<input checked="" type="checkbox"/> Erverv <input checked="" type="checkbox"/> Avtale	20xx	70	<input type="checkbox"/> Stat <input checked="" type="checkbox"/> Kommune/ friluftsråd <input checked="" type="checkbox"/> Privat	Fyresdal Kommune	<input checked="" type="checkbox"/> Ja <input type="checkbox"/> Nei	
Kommentarer		Fyresdal Kommune kjøpte i 2004 Klokkarhamaren av Opplysningsvesenets fond. Området vart sikra for framtidig friluftsliv i 2010, med stønad frå Direktoratet for Naturforvaltning, jf. vedtaksbrev à 30.08.2006, og har fått sikringsnummer FS00002339. Prestestranda (Bryggeparken) har vore i Fyresdal Kommune sitt eige sidan 2000, og vart statleg sikra det året. Fyresdal Kommune er no i dialog om kjøp av Kjeøyni av private grunneigarar, med mål om å sikre området for framtidig friluftsliv. For kjøp av området har Fyresdal Kommune motteke tilskot frå Miljødirektoratet, jf. vedtaksbrev à 16.05.2019. Kjeøyni er ikkje tinglyst som statleg sikra friluftsområde pr d.d.						

	forklaring	beskrivelse
Naturgrunnlag	<i>Kort om flora og fauna, landskap, naturtype, evt røddistearter etc</i>	FS00001371 Prestestranda (Bryggeparken) er ei badestrond med tilhøyrande grill, sandvolleyballbane og den gamle hovudbrygga i Fyresdal. FS00002339 Klokkarhamaren består av ein skogkledd ås, og strekkjer seg frå Fyresvatn 278 moh til toppen av åsen 344 moh. Området har ei stråndline på 1.645 meter, for det meste skogkledd heilt ned til vatnet. Mesteparten av området er bevokst med furuskog, i alle aldre, på middlels bonitet, med fattig botnvegetasjon. Kjeøyni er ei skogkledd øy i Fyresvatn 278 moh, der toppen av øya ligg på 294 moh. Øya har ei stråndline på 1.150 meter, for det meste skogkledd heilt ned til vatnet. Mesteparten av området er bevokst med furuskog, på middlels bonitet, også her med fattig botnvegetasjon. Det er utarbeida skogbruksplan med miljøregistrering over områda i 2008, det vart då ikkje avdekkja miljøelement/nykelbiotopar i dei to områda.

Kulturminner	<i>Kort om evt kulturminner i området og hensyn til disse</i>	Det er ikkje registrert kulturminner innan friluftsområda, heller ikkje tufter/røysar/murar frå nyare tid. Gravfeltet <i>Prestestranda ID.9136</i> ligg ved inngangen til Hamaren Aktivitetspark, her har kommuneadminstrasjonen vore i kontakt med Riksantikvaren og fått løyve til å legge turvegen på utsida av gravfeltet, og samstundes lage informasjonstavle om gravfeltet.
Bygninger	<i>Nevn evt bygninger på området og omtal kort bruken av og ansvaret for disse</i>	Klokkarhamaren er området som i dag omfavnar Hamaren Aktivitetspark. Parken inneholder grillhytte, gapahukar og utekjøkken. Parken er svært mykje bruka, og dei ulike bygningane står til fri bruk for ålmenta. Fyresdal Kommune har ansvaret for drift og vedlikehald av dei ulike bygningane i parken. Kjeøyni har i dag ikkje bygningar av noko slag.
Adkomst/kommunikasjon	<i>Adkomst til området, tilgjengelighet og offentlig kommunikasjon</i>	Prestestranda og Klokkarhamaren er svært lett tilgjengeleg, med kommunal infrastruktur tett opp mot området. Det går ikkje vegar opna for personbil inn i sjølve områda, men det er særskilt gode parkeringstilhøve knytt opp mot kommunesenteret i sør, og pleie- og omsorgssenteret i nord, begge stader heilt opp mot grensa for området. Elles er det kun 200 meter å gå frå parkering i sentrum av Fyresdal. Pr i dag er det ikkje forbindelse mellom «fastlandet» og Kjeøyni. I prosjektet er det planlagd ei bru frå Klokkarhamaren/Hamaren Aktivitetspark over til Kjeøyni. Dette er forelagt Miljødirektoratet, som har gitt prosjektet økonomisk stønad for tilrettelegging av gangbru over sundet.
Egnet bruk	<i>Vurdering av hvilke aktiviteter området egner seg for</i>	<p><input checked="" type="checkbox"/> Turgåing <input checked="" type="checkbox"/> Sykling <input checked="" type="checkbox"/> Bading <input checked="" type="checkbox"/> Klatring <input checked="" type="checkbox"/> Båtfart <input checked="" type="checkbox"/> Fiske <input checked="" type="checkbox"/> Lek, rekreasjon <input checked="" type="checkbox"/> Telting</p> <p>Annet; Undervisning og læring knytt til skule/bornehage, fysisk aktivitet, idrettsaktivitetar m.m.m..</p>
Eksisterende tilrettelegging	<i>Tilretteleggings-tiltak i området før planperioden inkl (tilrettelegging for funksjonshemmede)</i>	Klokkarhamaren er tilrettelagt med universelt utforma turvegar, der vegen går over i ei bru bolta i fjellet på Hamarens utside. Elles er parken tilrettelagt med utekjøkken til bruk for skule/bornehage/ålmenta, ei sykkelløype i sentrum av turområdet, og to gapahukar på toppen av Hamaren, der det er mogleg med overnatting. Kjeøyni framstår i dag som urørt, der er kun lette stiar/dyretrakk i terrenget.
Annét	<i>Andre relevante forhold</i>	Det er utarbeida skogbruksplan med miljøregistreing for både områda, dette før Hamaren Aktivitetspark vart etablera. Det er ikkje ynskjeleg å gjere større inngrep i skogen, men heller drive enkel plukkhogst, fremme utsikt og rydde vindfall m.m. for å gjere området attraktivt som tur og aktivitetsområde.

2. Behov for tiltak i planperioden

2.1. Prestestronda

	Tiltak	Beskrivelse	Utføres av/ Ansvar	Gjennom- føres år	Kostnad
1		Det er ikkje planlagde investeringar innan planperioden.			

2.2. Klokkarhamaren

	Tiltak	Beskrivelse	Utføres av/ Ansvar	Gjennom- føres år	Kostnad
1	Universelt utforma toalett	Plassert ved gangveg på Klokkarhamarens utsida, nedanfor utekjøkkenet.	Hamaren Aktivitetspark/Fyresdal Kommune	2020	150.000
2	«Boardwalk» /gangbane på framsida av gravfelt ved Næringshagen	Gangbane i tre, som ligg oppå bakken. Dette for å lede trafikken på utsida av gravfeltet, og samstundes kunne informere om gravfeltet. Løyve gitt av Riksantikvaren 10/2019	Hamaren Aktivitetspark/Fyresdal Kommune	2020	150.000
3	Oppgradere veg gjennom Sauekro	Vegetasjonsryydding og grusing medfinkorna fast grus.	Hamaren Aktivitetspark/Fyresdal Kommune	2020	50.000
4	Møteplassar	Supplere dagens benkar og bord, fylle ut der ein ser behov	Hamaren Aktivitetspark/Fyresdal Kommune	2020	100.000
5	Oppgradering UU-tilrettelegging	Justere og oppgradere dagens installasjonar for å betre tilhøva for personar med nedsett funksjonsevne			50.000
	Total kostnad				500.000

2.3. Kjeøyni

nr	Tiltak	Beskrivelse	Utføres av/ Ansvar	Gjennom- føres år	Kostnad
1	Universelt utforma veg som knyttar eksisterande vegnett saman med bru over til Kjeøyni	Avretting i terrenget, noko drenering. Pukk i svake parti, toppgrus/subbus som toppdekke.	Hamaren Aktivitetspark/Fyresdal Kommune	2020	100.000
2	Universelt utforma gangbru mellom Klokkarhamaren og Kjeøyni	Fundamentering/etablering av bru-kar. Påling. Bygging av bru over til øya, ca 200 meter.	Hamaren Aktivitetspark/Fyresdal Kommune	2020	3.000.000
3	«Board-walk» rundt øya, nær vannkant. Universelt utforma, med møteplassar, fiskeplassar etc.	Konstruksjon hovudsakeleg i tre, med fundamentering i fjell. Tredekk.	Hamaren Aktivitetspark/Fyresdal Kommune	2021	2.000.000
4	Turveg inn på øya og opp i trea	Gangbru som lyftar seg opp som ein spiral mellom trekronene, bærende konstruksjon i tre, med tredekk og rekksverk	Hamaren Aktivitetspark/Fyresdal Kommune	2020	6.000.000
5	Aktivitetselement for born og unge	Element på bakkeplan og i trea/turløypa som skal engasjere born og unge til spontan, kreativ moro utan organisert tilrettelegging	Hamaren Aktivitetspark/Fyresdal Kommune	2022	1.500.000
6	Møteplassar	Benkar/møblering som skal freiste til ein «pust i bakken»	Hamaren Aktivitetspark/Fyresdal Kommune	2022	400.000
7	Ljossetting	Ljossetting av brua og ulike element i parken	Hamaren Aktivitetspark/Fyresdal Kommune	2022	1.000.000
Total kostnad					14.000.000

**Tiltak som kan gjøre det enda mer attraktivt å bruke området
(tiltak ut over ovennevnte/ tiltak på lang sikt)**

Det er ynskjeleg på lengre sikt å knyte Hamaren Aktivitetspark saman med Øysteinsodden og Stykkjevik, som er ei svært mykje brukta badestrond i bygda.

3. Driftsplan for planperioden

Nr	Løpende oppgaver; årlig (f eks rydding, vasking, tilsyn, planklipping etc.)	Hyppighet	Årlig kostnad	Ansvar	Merknad
1	Vegetasjonsrydding langs vegar i parken	Årlig		Fyresdal Kommune	
2	Vedlikehald/tilsyn av uteområde, grillhytte og utekjøkken	Årlig		Fyresdal Kommune	
3	Vedlikehald sykkelløype	Årlig		Fyresdal Kommune	
4	Vedlikehald av gangbanar i tre, evnt utskifting av bord etc	Årlig		Fyresdal Kommune	
5	Vedlikehald av aktivitetsområde /installlasjonar for leik og aktivitet	Årlig		Fyresdal Kommune	
6	Afvallshandtering	Kontinuerlig		Fyresdal Kommune	
Sum årlig kostnad:			Sjå punktet «annet» under tabellen		

Nr	Større og sjeldnere oppgaver, (f eks grusing, maling, skogrydding etc.)	Hyppighet	Årlig kostnad	Ansvar	Merknad
1	Vedlikehaldsgrusing av vegar	Kvart 5. år		Fyresdal Kommune	
2	Beising/tyngre vedlikehald av bygningsmasse	Kvart 5. år		Fyresdal Kommune	
3	Utskifting av aktivitetelement/ apperat	Ved behov		Fyresdal Kommune	
Sum årlig kostnad:			Sjå punktet «annet» under tabellen		


Annet

Fyresdal Kommune har eit årleg budsjett på kr. 70.000,- for vedlikehald og vidareutvikling av Hamaren Aktivitetspark, byggetrinn 1 (Klokkarhamaren). Byggetrinn 2 (Kjeøyni) vil være betydeleg meir ressurskrevjande å vedlikehalde, ein anbefaler difor at det vert oppretta eit fond der det vert sett av kr. 200.000,- årleg, men med eit øvre tak på kr. 500.000,- som skal stå på vedlikehaldsfondet.

Bilder frå parken og utbyggingsområde



Bilde 1: Brua på sørsida av Klokkarhamaren



Bilde 2: Vedbu på toppen, tilrettelagt av Moland Vel



Bilde 3: Platting ved Fyresdal Pleie og Omsorgsenter

DEL 3:

Oppsummering

1. Prioritering av tiltak i statlig sikra friluftslivsområder i Fyresdal Kommune 2020-2024

Område (navn)	Tiltak nr	Tiltak	Utføres av	Prioritet	Merknad
Bru Klokkarhamaren – Kjeøyni	3.2	UU utforma	Prosjektet	1	
Gangbane opp i trekronene	3.4	UU utforma		1	
«Board-walk» rundt øya	3.3	Delvis UU utforma, med dialog med Noregs Hanicapforbund	Prosjektet	3	
Aktivitetselement for born og unge	3.5	Trampoliner Klatrepark Overnatting	Prosjektet	2	
Belysning	3.7	På bruha og gangbanen opp i trekronene	Prosjektet	3	
Møteplassar	3.6	Langs turvegen og inne på øya	Prosjektet	2	
Tilkomstveg mellom eksisterande vegnett og bruha til Kjeøyni	3.1	UU utforma grusveg	Prosjektet	1	
Toalett	2.1	UU-utforma Plassert nedom utekjøkken	Hamaren Aktivitetspark	1	
Gangbane utanfor gravfeltet ved Næringshagen	2.2	Godkjent av riksantikvaren	Hamaren Aktivitetspark	1	
Veg gjennom Sauekro	2.3	Betre UU framkommelighet	Hamaren Aktivitetspark	2	
Møteplassar	2.4	Fornye og supplere dagens	Hamaren Aktivitetspark	3	
Oppgradere UU tilrettelagde installasjonar i eksisterande park	2.5	Gjere naudsynte utbetringar	Hamaren Aktivitetspark	3	